

ԱՌԿԱՅԾ ՃՐԱԳ

Յաղթանակի գիշերն է այս տօնական . -

Հա՛րս, եղ լեցո՛ւր ճրագին :

Պիտի դառնայ կռիւէն տղաս յաղթական . -

Հա՛րս, քիթը ա՛ռ պատրոյգին.

Սայլ մը կեցաւ դրան առջեւ, հորին քով . -

Հա՛րս, վառէ՛ լոյսը ճրագին :

Տղաս կու գայ ճակատն հպարտ դափնիով . -

Հա՛րս, բեր ճրագը շեմին :

Բայց... սայլին վրայ արի՞ւն եւ սո՞ւգ բեռքեր են...

Հա՛րս, ճրագը ասդի՛ն երկարէ :

Հերոս տղաս հոն զարնուա՛ծ է սրտէն . -

Ա՛խ, հա՛րս, ճրագըդ մարէ՛ ... :

Դանիել Վարուժան